



Գործ թիվ ԵԴ/27504/02/18

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆԻ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
ՈՐՈՇՈՒՄԸ
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

18.03.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդապետյանս, ուսումնասիրելով վարույթում գտնվող թիվ ԵԴ/27504/02/18 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 07.12.2018թ. որոշմամբ <<ՎԵՈՆ ԱՐՄԵՆԻԱ>> ՓԲԸ-ի հայցադիմումն ընդդեմ <<ԼՈՏՈՒՍ ՊԼՅՈՒՍ>> ՍՊԸ-ի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանողին ուղարկված դատավարական փաստաթղթերը հետ են վերադարձվել <<չպահանջված>> փոստային մակագրությամբ:

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:

Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝

ՈՐՈՇԵՑԻ

1. <<ՎԵՈՆ ԱՐՄԵՆԻԱ>> ՓԲԸ-ի հայցադիմումն ընդդեմ <<ԼՈՏՈՒՍ ՊԼՅՈՒՍ>> ՍՊԸ-ի՝ գումարի բռնագանձման պահանջի մասին թիվ ԵԴ/27504/02/18 քաղաքացիական գործը քննել պարզեցված վարույթի կարգով:
2. Դատական ակտը հրապարակել 2019թ. մայիսի 06-ին, Երևան քաղաքի ընդհանուր իրավասության դատարանում (ք. Երևան, Տիգրան Մեծի 23/1):
3. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱՉԱՐՅԱՆ